



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Philosophistæ Seu Excerpta Pauca Ex Multis Libris,
Thesibus, Dictatis Theologicis**

[S.I.], [ca. 1692]

1691. Trevirenses Jesuitæ in Abbatia S. Maximin sub P. Potier

urn:nbn:de:hbz:466:1-39173

30 PHILOSOPHISTÆ.

II. PARS nuntiavit quām hanc, Peccatum quantumvis rationi graviter repugnans commissum ab invincibiliter ignorante aut (inculpabiliter) non advertente Deum esse aut peccatis offendī, non est mortale. Ut gratia deleat peccatum non requiritur actus retractatus peccati, loquendo de potentia absoluta, quæ & potest illud absque gratia, condonatione intrinseca delere.

PROFESSOR TREVIRENSIS.

1691. P. POTIER Jesuita in Abbatia S. Maximini Trevirensis Theologiae Magister ibidem, Theses propugnavit die Sabbati Quatuor Temporum Septembbris anni 1691. hoc est, mense decimotertio post promulgatum Alexandri VIII. Papæ Decretum adversum erroneum Peccati Philosophici dogma. Inscribuntur Theses Theologicæ, de Actibus Moralibus & de peccatis in genere, constantque duodecim conclusiobibus, quarum hac prima est.

I. Actus moralis dicitur ille qui fit cum advertentia rationis ad honestatem vel inhonestatem. Propterea ad moralitatem requiritur libertas & advertentia rationis ad bonitatem & malitiam.

VIII. Peccatum Theologicum est exercitium libertatis contra legem Dei. Malitia qua actus aliquis malus constituitur, non est privatio sive consequens, sive antecedens, sive qualiscumque alia demum, sed est positiva ipsius actus cum lege Dei difformitas.

IX. Non potest committi peccatum Theologicum cum invincibili Dei ignorantia, quamvis peccatum sine Dei notitia contra naturam rationalem admissum displiceat Deo.

XI. Qui peccat præscindendo à gravitate & levitate malitiae, non admittit nisi peccatum veniale.

Ad

Ad peccatum mortale requiritur plena advertentia II. PARS
ad malitiam gravem aut ad illius periculum, quod
facit qui dubitat.

Ex his perspicuum est Professorem istum nomen quidem peccati Philosophici cautè suppressisse, ut discipulis suis fucum faceret; rem verò ipsam infandumque Philosophisni errorem totum retinuisse, spreto Pontificis Decreto. Nempe definitionem in locum definiti substituit. Quid enim est peccatum Philosophicum, nisi quod illè Concl. 9. asserit, Peccatum sine Dei notitia contra naturam rationalem admissum ac displicens Deo. Ubi observandum, ipsum quidem asserere quod non potest committi peccatum Theologicum cum invincibili Dei ignorantia; at cum continuò addit: quamvis peccatum sine Dei notitia contra naturam rationalem commissum displiceat Deo; jam non de invincibili ignorantia, sed de simplici & absoluta privatione notitiae Dei sermonem habet: quamobrem manifestum est ab ipso admitti peccata pure Philosophica in iis, qui Deum ignorant, sive vincibili ignorantia, sive invincibili; id est, actus inconvenientes naturæ rationali & rectæ rationi, sed qui non sint formales effensa Dei, neque peccata mortalia, dissolventia amicitiam Dei, aut penæ eterna meitoria. Ad peccatum enim mortale requiritur plena advertentia ad malitiam gravem aut ad illius periculum, ut disertis verbis scribit Conclus. XI. quæ profecto advertentia longè ab illo abest qui Deum ignorat ejusque legem. Ut ut enim advertat ad malitiam & gravitatem Philosophicam, seu naturæ rationali inconvenientem; at nequaquam ad Theologicam potest advertere, quippe quæ ex notitia Dei ejusque legis oriatur.

*En ut sponte & data opera ipsissimam doctrinam
in*

H. PARS in Thesi Divionensi proscriptam Pontificio Decreto amplexus est Professor Trevirensis. Imò verò doctrinam Divionensi ac ipso Philosophismo deteriorem docet in his Conclusionis XI. verbis: Qui peccat præscindendo à gravitate & levitate malitiæ non admittit nisi peccatum veniale: quot enim quantaque peccata etiam in fidelibus peccati mortalis expertia, atque adeò ab eterno supplicio immunia ex isto principio judicanda sint quisque facile intelligit. Prout enim pessimi quique enormioribus criminibus magis assuefacti fuerint atque obdurati; ita facilius dum peccant à gravitate vel levitate malitiæ præscindere soliti sunt: cum etiam maxima quæque flagitia admittere ludus persæpe illis videatur, & iniuriam ut aquam bibant.

COLLEGIUM LOVANIENSE.

1585.

Non vanum fuit Theologorum Lovaniensium in censuræ præfatione præsagium de Hamelio Jesuita S. Theologia Professore ejusque Sociis dum à seculo circiter Molinismum, rem novam, in Belgium inferebant: cum de Christianorum moribus, aiunt Lovanienses, optimè sitis hactenus promeriti, non parum veremur, ne, si in suscepta semel doctrina perseveretis, ejus contagio plurimum sitis obfuturi, & qui bonæ vitæ multum ædificastis in Christo, dogmatis jam hujus magisterio plerosque magis vobis credulos in ruinam, quod absit, exitiumque præcipitatis. Etenim eo ipso tempore Hamelius præter alias laxitates simul cum Molinismo Philosophismum invexit, ut manifestum reddunt manuscripta quæ dictavit in I. 2. à die 13. Novembris 1585. usque ad 5. Augusti 1587. ubi Quæst. 72. art. 5. Tractatus de distinctione